



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj 03-7-~~28~~-02-2-290-1/12
Sarajevo, 06.02.12

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini („Službeni glasnik BiH“, broj 34/02), Ured za veterinarstvo Bosne i Hercegovine donosi

UPUTSTVO
ZA UVOZ ODREĐENIH POŠILJKI ŽIVOTINJSKOG PORIJEKLA U BOSNU I
HERCEGOVINU IZ REPUBLIKE PERU

Član 1.

- (1) Radi sprečavanja unosa štetnih materija u hranidbeni lanac ljudi i životinja u Bosni i Hercegovini, propisuju se dodatni uslovi za pošiljke koje potječu iz Republike Peru.
- (2) Dodatni uslovi iz stava (1) ovog člana odnose se na pošiljke:
 - a) ribe;
 - b) školjkaša.

Član 2.

Uvoz pošiljki iz člana 1. stav (2) ovog Uputstva dozvoljen je samo za pošiljke koje ispunjavaju jedan od sljedećih uslova:

- a) podvrgnute su potpunoj evisceraciji;
- b) podvrgnuti su jednom od sljedećih procesa obrade toplotom:
 - 1) uranjanje u kipuću vodu toliko dugo koliko je potrebno da unutarnja temperatura mesa dostigne 90°C, te održavanje te minimalne temperature kroz razdoblje od najmanje 90 sekundi;
 - 2) kuhanje u vremenu od tri do pet minuta u zatvorenom prostoru u kojemu je temperatura između 120 i 160°C a tlak između 2 i 5 kg/cm², nakon čega se odvaja ljuštura od mesa a meso zamrzava do temperature od -20°C u središtu proizvoda;
 - 3) izlaganje pari pod tlakom u zatvorenoj posudi pri čemu se moraju ispuniti zahtjevi vezani uz vrijeme kuhanja i unutarnju temperaturu mesa koji su navedeni u tački b) alineja 1) ovog člana.

Član 3.

Pošiljkama koje ne ispunjavaju uslove iz ovog Uputstva zabranjuje se uvoz na teritoriju Bosne i Hercegovine u suprotnom iste se vraćaju u zemlju izvoznicu ili oduzimaju i neškodljivo uklanjaju.

Član 4.

Sve troškove nastale u cilju primjene ovog Uputstva snosi uvoznik.



V.D. Direktor


Darko Čobanov

Dostaviti:

- Ministarstvo vanjske trgovine i ekonomskih odnosa;
- Veterinarskim inspektorima na svim graničnim prijelazima;
- Inspeksijski odjel Ureda za veterinarstvo Bosne i Hercegovine;
- Odjel za pravne, finansijske i administrativne poslove Ureda za veterinarstvo Bosne i Hercegovine;
- Referent za administrativno tehničke poslove Ureda za veterinarstvo Bosne i Hercegovine;
- Odjel za sigurnost hrane i uvjete u objektima, Ureda za veterinarstvo Bosne i Hercegovine;
- Arhiva.